

Legns per 1927

Objektyp: **Group**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **1 (1927)**

PDF erstellt am: **22.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.


Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Legns per 1927.

I.



Formescha ordlunder:

1. ina letra
2. ina bubronda.
3. in flum grischun.
4. in instrument.
5. num biblic.
6. pign liug el Grischun.
7. ina letra.
8. la lingia per miez giu dat ina enzenna dil firmament.

II.

Jeu vivel flot e bein
Ed senza bia quitaus.
Sun loschs sco in pulein
Ed hai mai n'in ruaus.
Attachel pign e grond;
Negin ei, sco jeu, retg.
Bia larmas en in onn
Ein miu tribut e dretg.

III.

Has ti mei instradau,
Vul ti mei gudignar.
Has ti mei gudignau,
Has ti ca mei, miu car!

IV.

Tgei ama scadin pli fetg che la veta
E tema pli fetg che la mort?

Tgei ha in pupratsch de gronda valeta?
Tgei spend'il ranver per il sport?
Tgei spargn'il levsenn en persuna?
Tgei fan ils Chines a Glaruna?
Uss mira, pertratga; mo anflas ti nuot:
Lu sappies, la mar drova pli ch'in daguot!

V.

Las nialas sin miu tgau antruras
S'alzavan loschamein;
Tschupials de giuvna fegl'e fluras
Ornavan mei schi bein.
Uss, scutschinadas e burridas,
Sestorschan tochen plaun;
Pertgei las femnas, las futidas,
Han mei savens en maun.

Diversa.

Il fimar tubac.

Columbus che ha descuvretg l'America (1492) ha viu, co ils habitonts de quella tiara fimavan rollas cilindricas ded ina jarva nunenconuschenta, zugliada en feglia de terc. Els numnavan quella jarva tabaco. Entras glied ord la suite dil grond descuvrider ei il tubac gleiti vegnius importaus ella Europa. Igl emprem han ins cultivau la nova plonta sco medischina ed jarva quasi miraculosa e duvrava ella principalmein per trer. Entuorn la mesadad dil 16. tschentaner han matros spagnols e colonists engles importau ord Virginia (America settentrionala) l'isonza de fimar tubac tier nus. Il capitani Sir Walter Raleygh, che haveva viu curch'el ha descuvretg la Virginia, co ils Indians cultivavan il tubac generalmein, duei esser staus igl emprem tubacheder ella Engheltiara. Cu Raleygh ha fimau per l'empremagada en sia combra de studi, — aschia vegn ei raquintau, — seigi siu fideivel survient currius a clamond per agid ord la stanza, vesend co il fem culava ord bucca e nas de siu patrun e cartend ch'il tgau de quel hagi pegliau fiug. All' entschatta dil 17. tschentaner fimavan ins generalmein ell' Europa malgrad ils perpart rigurus scammonds relaschai per dismetter quella nova disa. Il pli rigurus ein ins passaus en ella Russia encunter il fimar tubac. Leu vegneva ei semplamein tagliau giu il nas als tubacheders gliez temps, pervia de lur „demanar infernal“.

Oz il di ei il fimar tubac serasaus ora dapertut. Fimar moderadamein dat beinduras buca bia donn agl organismus cumpleinamein sviluppau. Encuntercomi fa ei segiramein donn ad in organismus giuven, aunc buca carschius ora, e duess

el leu en interess della sanadad vegnir evitaus dal tut.

Il moviment dellas alas d'ina mustga: Las mustgas de casa, che produceschau il tun F cun lur rueida, mumentan lur alas 20100 gadas per minuta, ni 355 gadas per secunda. Igl aviul cun 440 fridas dellas alas per secunda dat en il tun A. In aviul staunchel cun mo 330 fridas dellas alas per secunda dat en il tun E.

Fontaunas caudas (termas). En biars loghens sin la surfatscha della tiara, principalmein en contradas vulcanicas, neschan ord gronda profunditad fontaunas caudas. Lur aua ei bein savens buglienta. Atras cavas e sfendaglias ella greppa vegn ella entochen tier la crusta della tiara, penetrescha quella e seglia savens cun gronda pressiun schi ault sco in clutger.

Las fontaunas caudas meinan savens fetg custeivlas gredienzas mineralicas cun ellas. Già ils Romans savevan apprezziar la forza medegonta de talas fontaunas. A Roma ed en auters loghens anflan ins aunc oz restonzas de semegliants cundrezs de far bogn. Teofrast Paracelsus, in perdert svizzer dil 16. tschentaner, ei staus igl emprem che ha intercuretge exactamein igl effect sanitaric dellas fontaunas caudas e precisau las gredienzas chemicalas dellas auas mineralas. El ha aschia dau l'iniziativa per l'elaboraziun scientifica per la scienza sur las curas ded aua. — En Svizzeria dat ei in entir diember fontaunas caudas renomadas, per ex. a Faveras, Baden, S. Murezi etc.